

# Arrest de la Cour de

Parlement de prouence, portant  
condemnation de mort.

*Contre Messire Louys Gaufridy originaire du  
lieu de Beau-vezzer les Colmars, Prestre Be-  
neficié en l'Eglise des Acoules de la ville de  
Marseille, conuaincu de Magie, & autres  
crimes abominables. Du dernier Avril mil  
six cens vnze.*



A LYON,

PAR BARTHELEMY ANCELIN,  
Imprimeur ordinaire du Roy.

---

M. D C. XI.

*Avec Privilège de sa Majesté.*



Case

F

39

1326

1611e/

THE NEWBERRY  
LIBRARY



*Extraict des Registres de Parlement.*

**V**E V par la Cour le pro-  
cez criminel, & proce-  
dures faites par authori-  
té d'icelle à la requeste  
du Procureur general du Roy, de-  
mandeur & querelant, en cas & cri-  
me de rapt, seduction, impieté, Ma-  
gie, forcellerie & autres abominatiōs.  
Contre Messire Louis Gaufridy ori-  
ginaire du lieu de Beau-vèzer les Col-  
mars, Prestre Beneficié en l'Eglise des  
Acoules de la ville de Marseille, que-  
relé & prisonnier en la Conciergerie  
du Palais. Procez verbal des preuues  
& indices de la possession de Magda-  
leine de Demandouls dictte de la Pal-  
lud, l'une des sœurs de la compagnie

Saincte Vrsule, tenuë pour possedee  
des malins esprits, observez & reco-  
gnus en sa personne, dès le premier  
de Ianuier dernier, iusques au cin-  
quiesme deFeurier en la Saincte Bau-  
me, par frere Sebastie Michaëlis Do-  
cteur en Theologie, Vicaire general  
de la Congregatiõ reformee des Fre-  
res Prescheurs, & Prieur du Conuent  
Royal de saint Maximin deüiement  
attesté par autres Peres en datte du  
vingtiesme dudit mois. Deliberatiõ  
de la Cour contenant commissiõ à  
Maistre Anthoine Seguiran Conseil-  
ler en icelle, pour informer sur les  
faicts de ladite accusation, & faire  
saisir & traduire aux prisons du Pa-  
lais ledit Gaufridy du dixneufiesme  
dudit mois. Charges & informations  
prinsees par le Commissaire, & procez  
verbal de la saisie & traductiõ d'ice-  
luy Gaufridy. Autre deliberatiõ de la-  
dite



dite Cour contenant commission à M. Anthoine Thoron aussi Conseiller en icelle, pour ouyr ladite de la Pallud, & informer sur les faicts & entendis baillez par le Procureur general du Roy, & faire le procez audict Gaufridy conioinctemēt avec Mefire Garandeau Vicaire de l'Archeuesque d'Aix du dixhuietiēme dudit mois. Audition deposition, & confessions de ladite Magdaleine, touchant ledit rapt, seduction, & subornation d'icelle, en ce qu'est de la Magie, paches, & promesses faictes aux malins esprits & autres abominations mentionnees au procez verbal du vingt vniesme dudit mois. Autre cayer d'informations prinſes par ledit Commissaire du vingt-troisiēme du mesme mois. Attestation de maistre Anthoine Marindol, Docteur, Medecin & Professeur Royal en l'Vniuer-

sité de ceste ville d'Aix touchant les accidens & mouuemens estranges & extraordinaires arriuez en la personne de ladite de la Pallud durant le temps qu'il l'a traictee auant la manifestation de la possession d'icelle du vingtquatriesme dudit mois. Rapport fait par Maistre Jacques Fontaine, Louys Grassy, & ledit Merindol Docteurs, & respectiuement Professeurs & Medecins, & Pierre Bontemps Chirurgien Anatomiste aussi Professeur en ladite Vniuersité par ordonnance desdits Commissaires, sur la qualité des accidens extraordinaires qui arriuoient par interuales en la teste & cerueau de ladite de la Pallud & causes d'iceux, & sur la qualité, causes & raisons des marques insensibles estans en sa personne, & par elle indiquez, & encores sur la virginité & defloration d'icelle, & les  
vingt



vingtsixiesme & vingt septiesme dudit mois, & cinquiesme Mars dernier. Interrogatoires & responce dudit Gaufridy des vingtsixiesme Feurier & quatriesme Mars dernier. Autre deliberation de ladite Cour, que ledit Maistre Anthoine Thoron Commissaire cy deuant deputé fera & continuera l'entiere instruction dudit procez dudit iour quatriesme Mars. Procez verbal de la confrontation & contestation verbale d'entre ladite de la Pallud & ledit Gaufridy du cinquiesme dudit mois. Rapport des marques trouuees sur la personne dudit Gaufridy suiuant l'indication faicte par ladite Magdelaine du huietiesme dudit mois de Mars. Publication dudit rapport avec cōfrotation desdits Medecins & Chirurgiens à ce commis & deputez par lesdicts Commissaires Recollement &

confrontation des autres tesmoings dudit iour huiëtiefme Mars. Autre cayer d'information prinse en la ville de Marseille des cinquiefme, sixiefme, & septiefme Auril dernier. Audition de Damoiselle Victoire de Corbier pretenduë d'auoir esté charmee par ledit Gaufridy sur le fait & cause du trouble & indisposition de son entendement, amour & affection desreglee & scandaleuse enuers ledit Gaufridy dudit iour sixiefme Auril. Secondes interrogatoires dudit Gaufridy sur le fait de ladite information contenant confession d'auoir charmé ladite Victoire en soufflant sur icelle, des douziefme & seiziefme dudit mois d'Auril. Procez verbal des confessions volontairement faites par ledit Gaufridy des autres cas & crimes à luy imposez des quatorziefme & quinziiefme dudit mois.

Retraët



Retractions d'iceluy du mesme  
 iour quinzieme Aupil apres midy.  
 Lettres de Vicariat de l'Euesque de  
 marseille à messire Ioseph Pellicot  
 Preuost en l'Eglise Metropolitaine  
 de ceste ville d'Aix, aussi Vicaire de  
 l'Archeuesque dudit Aix, pour à son  
 nom, lieu & place faire iuger, & or-  
 donner à l'encontre dudit Gaufridy  
 son Diocezain, tout ainsi que ledit  
 Euesque pourroit faire si present y  
 estoit, du dixseptiesme dudit mois.  
 Procuration faicte par ledit Gaufri-  
 dy par deuant ledict preuost, en la-  
 dicte qualité de Vicaire, afin de pour-  
 suiure la restitution des cedules y  
 mentionnees aux qualitez y conte-  
 nuës du dixneufiesme dudit mois.  
 Ordonnance dudit Conseiller &  
 Commissaire, & dudit Messire pelli-  
 cot, tant en qualité de Vicaire dudit  
 Euesque de Marseille, que comme

Vicaire dudit Archeuesque d'Aix, que ladite de la Pallud seroit recollée sur ses auditions & depositions & de nouveau confrontee audit Gaudridy. Autres & secondes confessions par luy faictes & reiterees respectivement les vingtdeuxiesme & vingt-troisiesme dudit mois d'Auril, conformément aux premieres. Autre rapport desdits Docteurs en Medecine & Chirurgiens sur l'abolitiõ des marques de ladite de la Pallud, reestablisement & viuification de tous les endroits d'icelles designees au precedent rapport du vingt-troisiesme dudit Mars. Proces verbal des interruptions & accidens extraordinaires suruenus durant la confession de ladite Magdaleine, torture & torments par elle soufferts, & paroles exprimees par sa bouche, outre & par dessus le contenu ausdites interrogatoires & ref-



responces, attestation de l'abolition, reſtaſſement, & viuification deſdites marques, aduenües le iour & feſte de paſques durant la celebration de la Sainte meſſe. Iugement des obiects, & conſolutions du Procureur general du Roy, ouy ledit Gaufridy en la Chambre, & le rapport du Cõmiſſaire ſur ce deputé.

DICT A ESTE' Que la Cour a declaré & declare ledit Louys Gaufridy, atteint, confez, & conuaincu deſdits cas & crimes à luy impoſez, pour reparation deſquels l'a cõdamné & condamne d'eſtre liuré és mains de l'executeur de la haute Juſtice, mené & conduict par tous les lieux & carrefours de ceſte ville d'Aix acouſtumez, & au deuant la grande porte de l'Egliſe Metropolitaine S. Sauueur dudit Aix, faire amende honorable teſte nuë & pieds nuds, la

hart au col, tenant vn flambeau ardent en ses mains, & illec à genoux demander pardon à Dieu, au Roy, & à Iustice: Et ce faict, estre mené en la place des Prescheurs de ladite ville, & y estre ards & brulé tout vif, sur vn buscher qu'à ces fins y sera dressé, iusques à ce que son corps & ossemens soient consumez & reduits en cendres, & icelles apres iettees au vent & tous & chacuns ses biens acquis & confisquez au Roy. Et auant estre executé sera mis & appliqué à la question ordinaire & extraordinaire pour auoir de sa bouche la verité des complices. Et neantmoins auant que d'estre procedé à ladite execution sera prealablement remis entre les mains de l'Euesque de Marseille son Diocésain, ou à son defaut d'autre Prelat de la qualité requise pour estre degradé à la maniere accoustumee.

*Faict*




Faiçt au Parlement de Prouence seant  
à Aix, & publié à la Barre & audiçt  
Gaufridy en la Conciergerie, lequel à mesme  
instant a esté appliqué à la questiõ ordinaire,  
& extraordinaire, presents Messieurs  
les Commissaires deputez, & sur les cinq  
heures apres midy a esté executé à mort,  
ayant au prealable esté degradé par le sieur  
Euesque de Marseille son Diocezain, dans  
l'Eglise des freres Prescheurs dudit Aix, en  
presence desdits sieurs Commissaires, suyuāt  
la forme & teneur du present Arrest, le  
dernier Auril mil six cens & vnze.


Signé, MALIVERNY.

12  
The first of these is the  
fact that the world is  
not a uniform place  
but a place of great  
contrast and variety.  
The second is the fact  
that the world is not  
a static place but a  
place of constant  
change and movement.  
The third is the fact  
that the world is not  
a place of perfect  
order but a place of  
constant disorder and  
conflict.


THE SECOND OF THESE











































- lss -



